

riæ membrum. Doctissimus *Angelovich* primisliensis episcopus sua multiplici doctrina et linguarum peritia ad patriam litteraturam augendam plurimum conferre valet. P. Hieronymus *Strzelecki* omnium harum dialectorum est peritissimus.

Bohemia jure gloriatur sua scientiarum Academia. Josephus *Dobrovski* ejusdem membrum est primum bohemicæ litteraturæ lumen. Faustinus *Prochaska* Bohemiæ et Moraviæ historiam litterariam illustravit. Fortunatus *Durich* copiosa eruditione plurimum res parvas extollere conatur. Franciscus comes *Waldstein* slavicarum dialectorum peritissimus, et celebris auctor editorque Floræ hungaricæ. Josephus *Wershauser* bohemicæ dialecti apud Regios Archiduces Carolum, Joannem, Antonium, Rainerium, Ludovicum et Rudolphum, atque in utraque Militari et Theresiana academia cum cæsareo regioque decreto professor, qui raram librorum slavonicorum possidet collectionem. Josephus *Zlobitzki* bohemicæ dialecti in Universitate viennensi professor, necnon apud supremum Justitiæ tribunal a secretis. Joannes *Negedleho* Homeri Iliadem eleganter in patrium vertit sermonem.

Si percurrantur Rascia, Slavonia, Croatia, Carniolia, Bosnia, Dalmatia, Ragusium, atque perlustrentur tot Canonorum capitula, monasteria, collegia, gymnasia, parœciæ,